

Kurduak Eusko Legebiltzarreko erabakia betetzea nahi dute

Erbesteko Parlamentuko kideak alderdiekin bildu dira Bilbon

I. Olabarri / Bilbo


Ali Giyitek, Kurduen Erbesteko Parlamentuko kanpo harremanetarako arduradunak, lotsagarritzat jo zituen kurduen aurkako terrorismo salaketak. EAEko parlamentua euren esku uztea eskertu eta erabaki hori azken muturreraino iristea espero zuela nabarmendu zuen.

ALI GIYIT-EK, Kurduen Erbesteko Parlamentuko kanpo harremanetarako arduradunak, eta Kisra Ibok, Kurdistango Askapenerako Fronte Nazionaleko ordezkariak, «lotsagarritzat» jo zituzten kurduak jasaten ari diren terrorismo salaketak. Giyiten esanetan, «PKK herri kurduaren bihotzetik jaio da eta gehienon sustengua dauka». Kanpo harremanetarako arduradunak gogorarazi zuen Turkiaren jazarpena ez dela PKKrekikoa bakarrik.

Kurduen Erbesteko Parlamentuaren izenean Euskal Herrian izan ziren ordezkari biek Legebiltzarrak hartutako erabakia eskertu zuten, «eta azkenerraino heltzea» espero zutela gaineratu. Haien hitzetan, Turkiako gobernuak kurduen parlamentua hartzea onartu duen estatu oro presionatu du, eta «hala ere, beti lortu dugu nahi genuen tokian biltzea».

Alderdiekin bilerak

EAJrekin ekin zioten atzoko elkarrizketei Kurduen Erbesteko Parlamentuko ordezkariak. EAJtik Xabier Arza-luz, Gorka Agirre, Karmelo Sainz de la Maza, Xabier Ormaetxea eta Jose Maria



XOUSE SIMAL

Ali Giyit eta Kisra Ibo, kurduen ordezkariak, atzo Bilbon.

Etxebarría izan ziren bileran. Bilerak amaitutakoan, EAJrekin urte askotako elkarlana daramatela gogorarazi zuen Giyitek.

Euskal Herria beti Kurdistani laguntzeko prest azaldu dela azpimarratu zuten Giyitek eta Ibok. «Gaurko bilerak harreman horiek sendotzeko balio izan du», adierazi zuen Giyitek.

EHren proposamena Legebiltzarrean

HBren izenean Esther Agirre eta Miriam Campos bildu ziren Ali Giyit eta Kisra Iborekin. Miriam Camposek Ocallean atxilotetaren gainean eta Gasteizko Legebiltzarrean egin nahi duten bileraren gainean mintzatu zirela adierazi zion EGUNKARIARI.

Bihar Legebiltzarrean egingo den bileran Ocallean atxiloteta aztertzeke talde bat eratzea proposatuko du

EHk. Talde hori eratzea lortuz gero, berehala PKK-ko buruzagiaren egoera aztertzeke lanean hasteko asmoz.

Gasteizko Legebiltzarrean egin behar duten bilerak burutu ahal izateko eragozpen handiak baleude, Herri Batasuna bilera hori egin dadin alternatibak emateko prest dagoela adierazi zieten kurduen ordezkariak Agirrek eta Camposek.

IU-EBren elkartasuna

Javier Madrazo IU-EBren koordinatzaile nagusia ere Kurduen Erbesteko Parlamentuko kideekin bildu zen haiek Euskal Herrira egin zuten bisitaldia aprobetxatuz. Madrazok elkartasuna eta sustengua adierazi zien. Era berean, Ocallean atxiloteta eta bizi duen egoera aztertzeke nazioarteko begirale talde bat eratu beharra nabarmendu zuen Madrazok.

PSNko parlamentario Turrillasek dimititu egin du

■ Soldata jasotzen zuen lanera ez joan arren

Asier Azpilikueta / Iruñea

JOSE JAVIER SANCHEZ TURRILLAS PSNko parlamentarioak dimititu egin zuen atzo, herenegundik zenbait hedabidek zabaldu dutelako azken 32 hilabeteetan Riegos de Navarra enpresa publikoaren bere lanpostuan agertu ez delako. Turrillasen aburuz, berak eginikoa ez da irregularra. Turrillas parlamentarioak Ganberako bizitza politikoan egiten zituen bere ahaleginak. 1998. urtean bera izan zen Parlamentuan galdera gehien aurkeztu zuen parlamentarioa. Ordea, Riegos de Navarra enpresa publikoko bere lanpostua erabat abandonaturik zuen, duela 32 hilabetetik honat ez baitzen agertzen. Hala ere, Riegos de Navarraren soldata jasotzen segitu zuen. Turrillasen erranetan, «egin beharrekoa egiten ari zela erabat konbentziturik» jokatu zuen horrela.

«Ez da ez irregularra, ez ilegala», erran zuen Turrillas. «Ezin nituen bi gauzak batera egin, eta nik jarduerak parlamentarioari eman diot lehentasuna. Oker egon daiteke hartu nuen



ARTXIBOKOA

Javier Sanchez Turrillas.

erabakia, baina ez da ustelkeria. Zerbitzu publikoa egiten ari nintzen eta horregatik kobratzen nuen». Turrillasek ez zuen atzokoa azaldu nahi izan zergatik ez den lanera joan azken 32 hilabeteetan, ez eta ere Riegos de Navarrako bere nagusiak zergatik onartzen zuen bere egoera. Horren harira, erran behar da Miguel Sanzek onartu duela enpresari eskatu ziola Turrillasen jarduera politikoa laguntzea.

Dimisioaren arrazoiei dagokienez, Turrillasek adierazi zuen sortzen ari den zerbait suntsitzeko erabilian izan nahi ez duelako dimititu duela.

Kontzentrazioa Donostiako PPko hautetsien etxepean

■ Espetxe politikaren erantzule egin dituzte

EHUN lagunetik gora manifestatu ziren atzo Donostiako kaleetan presoan Euskal Herriratzea eskatzeko. Senideek eta Amnistiaren Aldeko Batzordeak deitu manifestazioa Jose Manuel Aizpurua PPko buruaren eta Mari Jose Usandizaga

PPko zinegotziaren etxean aurrean gelditu zen, «espetxe politikaren erantzule zuzenak direlako». Manifestariak presoan argazkiak zeramatzaten eskuetan eta PPri jarrera aldaketa bat exijitzen zion pankarta bat buruan.